

**FÒMILÈ KONSANTMAN RHIO  
BRONX RHIO, INC**

Nan Fòmilè Konsantman sa a, ou ka chwazi si wi ou non ou otorize Name of Participant pou l jwenn aksè ak dosye medikal ou yo atravè yon rezo enfòmasyon ke Bronx RHIO, Inc ap jere, e ki se yon pati nan rezo enfòmasyon nasyonal la. Sa ka ede nou kolekte dosye medikal ou genyen nan diferan kote ou te jwenn swen sante yo, epi pou n mete yo disponib sou fòm elektwonik nan biwo nou an.

Ou ka itilize Fòmilè Konsantman sa a pou w deside si wi ou non ou otorize Name of Participant pou l wè epi pou l jwenn aksè ak dosye sante elektwonik ou yo nan fason sa a. Ou ka bay konsantman w oswa ou ka refize bay li, epi fòmilè sa a ou ka ranpli l kounye a oswa pita nan yon lòt dat. **Chwa ou fè a p ap afekte kapasite w pou w jwenn swen medikal oswa kouvèti asirans sante. Chwa w pou w bay konsantman w oswa pou w refize bay li pa dwe yon rezon pou yo refize ba w sèvis swen sante.**

Si w mete yon tchèk nan kaz **“MWEN BAY KONSANTMAN M”** ki pi ba a, sa vle di ke w di **“Wi, estaf Name of Participant ki angaje nan swen sante m nan ka wè epi jwenn aksè ak tout dosye medikal mwen yo atravè Bronx RHIO, Inc.”**

Si w mete yon tchèk nan kaz **“MWEN REFIZE BAY KONSANTMAN M”** ki pi ba a, sa vle di ke w di **“Non, Name of Participant pa gen dwa jwenn aksè ak dosye medikal mwen yo atravè Bronx RHIO, Inc pou kèlkeswa rezon an.**

Bronx RHIO, Inc. se yon òganizasyon ki pa la pou fè pwofi. Li pataje enfòmasyon sou sante moun yo elektwonikman e an sekirite pou amelyore kalite swen sante epi li patisipe nan Rezo Enfòmasyon sou Sante nan tout Eta Nouyòk (SHIN-NY). Pou plis enfòmasyon, tanpri gade <https://nyehhealth.org/shin-ny/what-is-the-shin-ny/>.

**Tanpri li ak anpil atansyon enfòmasyon ki nan do fòmilè sa a anvan w pran desizyon w lan.**

**Chwa Konsantman w Yo.** Ou ka ranpli fòmilè sa a kounye a oswa apre. Ou gen de chwa.

- MWEN BAY KONSANTMAN M pou Name of Participant aksede ak TOUT enfòmasyon elektwonik sou sante m atravè Bronx RHIO, Inc nan lide pou founi m tout sèvis swen sante, ki gen ladan tou swen dijans.**
- MWEN REFIZE BAY KONSANTMAN M pou Name of Participant aksede ak enfòmasyon elektwonik sou sante m atravè Bronx RHIO, Inc pou kèlkeswa rezon an, menm nan yon ka dijans medikal.**

**Si w pa di anyen ki kontrè ak sa, lwa Eta Nouyòk la otorize moun k ap trete w nan yon ka dijans pou yo jwenn aksè ak dosye medikal ou yo, ki gen ladan sa ki disponib atravè Bronx RHIO, Inc.**

Si w vle refize bay konsantman w pou tout Òganizasyon Founisè Swen ak Plan Sante ki fè pati de Bronx RHIO, Inc pou jwenn aksè ak enfòmasyon elektwonik sou sante w atravè Bronx RHIO, Inc, ou ka fè l lè w al sou sit entènèt Bronx RHIO, Inc lan nan [www.bronxrhio.org](http://www.bronxrhio.org) oswa lè w rele Bronx RHIO, Inc nan 718-708-6630.

Mwen konprann ke lè mwen mande sa, Bronx RHIO, Inc fèt pou li founi m lis moun ak òganizasyon ki te resevwa enfòmasyon elektwonik sou sante m yo selon kondisyon fòmilè sa a.

\_\_\_\_\_  
Non Pasyan an Ekri avèk Lèt Majiskil Detache

\_\_\_\_\_  
Dat Nesans Pasyan an

\_\_\_\_\_  
Siyati Pasyan an oswa Reprèzantan Legal Pasyan an

\_\_\_\_\_  
Dat

\_\_\_\_\_  
Non Reprèzantan Legal Pasyan an Ekri avèk Lèt Majiskil Detache (si sa aplikab)

\_\_\_\_\_  
Relasyon Reprèzantan Legal la genyen ak Pasyan an (si sa aplikab)

## Detay konsènan enfòmasyon sou pasyan nan Bronx RHIO, Inc ak pwosesis konsantman an:

- 1. Kijan Yo Ka Itilize Enfòmasyon w yo.** N ap itilize enfòmasyon elektwonik sou sante ou yo sèlman pou sèvis swen sante nou pral site la yo:
  - **Sèvis Tretman.** Sèvis sa yo founi w sèvis tretman medikal ak sèvis ki gen rapò ak tretman, epitou nan sèvis sa yo n ap mete enfòmasyon w yo disponib pou lòt founisè swen k ap trete w yo, pou ede yo asire ke w jwenn tretman medikal ou bezwen an.
  - **Verifikasyon Elijibilite pou Asirans.** N ap verifiye si wi ou non ou gen asirans sante epi kisa li kouvri.
  - **Aktivite Jesyon Swen.** Nan aktivite sa yo n ap asiste w pou w jwenn swen medikal ki apwopriye yo, n ap amelyore kalite sèvis y ap founi w yo, n ap kowòdone diferan sèvis swen sante ke yo founi w yo, oswa n ap sipòte w nan suiv yon plan swen medikal.
  - **Aktivite Amelyorasyon Kalite.** Nou evalye epi amelyore kalite swen medikal yo founi ni ou ni tout pasyan yo.

**NÒT: Chwa ke w fè nan Fòmilè Konsantman sa a PA otorize konpayi asirans sante yo pou yo gen aksè ak enfòmasyon w yo nan objektif pou yo decide si wi ou non yo dwe ba w asirans sante oswa peye bòdwo w yo. Ou ka fè chwa sa a nan yon Fòmilè Konsantman separe ke konpayi asirans sante yo dwe itilize.**

- 2. Ki Tip Enfòmasyon Konsènan Ou Menm ke Nou Enkli.** Si w bay konsantman w, Name of Participant ka gen aksè ak TOUT enfòmasyon elektwonik sou sante ou yo ki disponib atravè RHIO a. Sa enkli enfòmasyon yo te kreye anvan ak apre dat Fòmilè Konsantman sa a. Dosye medikal ou yo ka gen ladan yo yon istorik maladi oswa blesi ou te genyen (tankou dyabèt oswa zo kase), rezilta tès ou yo (tankou radyografi oswa tès san), epi lis medikaman ke w te pran yo. Enfòmasyon sa a ka gen rapò ak kondisyon sante ki sansib yo, ki ka gen ladan yo, men san se pa sa yo sèlman:

Pwoblèm itilizasyon alkòl oswa dwòg  
Planin ak avòtman (planin famiyal)  
Maladi jenetik (ereditè) oswa tès

VIH/SIDA  
Pwoblèm sante mantal  
Maladi seksyelman transmisib

Si w te resevwa swen pou alkolis oswa pou itilizasyon ekseksif dwòg, dosye w la ka gen ladan l enfòmasyon ki gen rapò ak dyagnostik sou alkolis oswa sou itilizasyon ekseksif dwòg ou yo, medikaman ak dozaj yo, tès laboratwa yo, alèji, istorik sou abi sibstans, istorik twomatis, egzeryat lopital, anplwa, kondisyon lavi ak sipò sosyal, epi istorik reklamasyon asirans sante w yo.

- 3. Ki Kote Enfòmasyon Sante Sou Ou Yo Soti.** Enfòmasyon sou ou yo soti nan kote ki te founi w swen medikal oswa asirans sante ( “Sous Enfòmasyon” ). Sa yo ka enkli lopital, doktè, famasi, laboratwa klinik, konpayi asirans sante, pwogram Medicaid la, ak lòt òganizasyon sibèsante ki fè echanj enfòmasyon sante sou fòma elektwonik. Yon lis konplè Sous Enfòmasyon aktyèl yo disponib nan men Bronx RHIO, Inc. Ou ka jwenn yon lis Sous Enfòmasyon ajou nenpòt kilè lè w tcheke sit entènèt Bronx RHIO, Inc lan nan [www.bronxrhio.org](http://www.bronxrhio.org) oswa lè w rele 718-708-6630.

- 4. Kiyès ki Ka Jwenn Aksè ak Enfòmasyon Sou ou yo, Si W Bay Konsantman w.** Se sèlman moun sa yo ki ka jwenn aksè ak enfòmasyon sou ou: doktè ak lòt founisè swen sante k ap sèvi nan estaf medikal Name of Participant la ki enplike nan swen medikal ou; founisè swen sante k ap kouvri pou oswa ki desèvis pou doktè Name of Participant yo; epi manm estaf ki reyalize aktivite ke Fòmilè Konsantman sa a pèmèt jan li dekri pi wo a nan premye paragraf la. Anplis de sa, Name of Participant ka mete enfòmasyon w yo disponib pou lòt founisè swen k ap trete w yo, pou ede yo asire ke w jwenn tretman medikal ou bezwen an.

- 5. Sanksyon pou Itilizasyon oswa Aksè ak Enfòmasyon W yo ki pa Apwopriye.** Gen sanksyon yo prevwa pou itilizasyon oswa aksè ak enfòmasyon sou sante w ki pa apwopriye. Si nenpòt kilè ou sispèk ke gen moun ki pa ta dwe wè oswa ki pa ta dwe gen aksè ak enfòmasyon sou ou, ki rive genyen yo, rele Bronx RHIO, Inc. lan nan: 718-708-6630; oswa ale sou sit entènèt Bronx RHIO, Inc lan nan: [www.bronxrhio.org](http://www.bronxrhio.org); oswa rele Depatman Sante Eta Nouyòk la nan 518-474-4987; oswa suiv pwosesis pou pote plent lan nan Biwo federal pou Dwa Sivil la nan Iyèn sa a: <http://www.hhs.gov/ocr/privacy/hipaa/complaints/>

- 6. Re-divilgasyon Enfòmasyon.** Name of Participant ka re-divilge nenpòt enfòmasyon sante elektwonik konsènan ou menm bay lòt moun, sèlman nan limit ke lwa ak règleman etatik ak federal yo pèmèt. Sa vre tou pou enfòmasyon sante konsènan ou menm ki egziste sou papye. Kèk lwa etatik ak federal prevwa pwoteksyon espesyal pou kèk tip enfòmasyon sante ki sansib, ki enkli VIH/SIDA ak tretman pou alkolis ak dwòg. Yo oblije suiv egzijans espesyal sa yo kèlkeswa lè yon moun resevwa tip enfòmasyon sante ki sansib sa yo. Bronx RHIO, Inc ak moun ki gen aksè ak enfòmasyon sa a atravè Bronx RHIO, Inc lan dwe respekte egzijans sa yo.

- 7. Peryòd Validite.** Fòmilè Konsantman sa a ap rete valid jiska jou ou anile konsantman w lan oswa jiska moman ke RHIO a sispann fonksyone oswa jiska 50 lane apre lanmò w, toudepann de sa ki fèt pi ta a.

- 8. Anilasyon Konsantman W lan.** Ou ka chanje lide nenpòt kilè depi ou konplete epi siyen yon nouvo Fòmilè Konsantman epi remèt li bay Name of Participant. Ou ka jwenn fòmilè sa a sou sit entènèt Bronx RHIO, Inc lan nan [www.bronxrhio.org](http://www.bronxrhio.org) oswa nan men founisè swen w lan. **Nòt: Òganizasyon ki jwenn aksè ak enfòmasyon sante w yo atravè Bronx RHIO, Inc pandan konsantman w lan valid la kapab kopye oswa enkli enfòmasyon w lan nan pwòp dosye medikal pa yo. Menm si w decide annapre pou w anile konsantman w lan, yo pa gen obligasyon pou yo ni retounen ni retire enfòmasyon an nan dosye yo.**

**9. Kopi Fòmilè a.** Se dwa w pou w gen yon kopi Fòmilè Konsantman sa a apre w fin siyen l.

**10. Aksè pou Òganizasyon Sante Piblik ak Òganizasyon ki kolekte Ògan.** Lalwa otorize ajans sante piblik federal, etatik oswa lokal yo ak sèten òganizasyon ki kolekte ògan pou yo jwenn aksè ak enfòmasyon sante san konsantman pasyan an pou rezon sante piblik ak grèf ògan. Enstitisyon sa yo ka jwenn aksè ak enfòmasyon w yo atravè Bronx RHIO, Inc nan objektif sa yo kit ou te bay konsantman w, kit ou te refize bay konsantman an oswa kit oupa t ranpli yon fòmilè konsantman.